

Yilinz Si Banh Aen Ban Son' gyauq Ganbu Couqmaenh Gij Eiqsik Cunghvaz Minzczuz Ranz Vunz Ndeu Bi 2025

6 nyied 23 hauh daengz 25 hauh, Yilinz Si youq siveij dangjyau banh aen ban son' gyauq ganbu couqmaenh gij eiqsik Cunghvaz Minzczuz ranz vunz ndeu bi 2025. 40 boux minzczuz ganbu maenhndei daj daengx si dangjcwng gihgvanh, saehnieb danhvei daeuj camgya son' gyauq.

Baez son' gyauq neix gaenjndaet sienqmeh hong minzczuz seizdaih moq aen Dangj, dangzgoq neiyungz fungfouq, hingzsik lai cungj lai yiengh, bauhamz aen swhsiengj sevei cuji miz daegsaek Cungguck seizdaih

moq Siz Ginbingz, gij lwnhgangj youqgaenj Siz Ginbingz cungjsuhgi gvendaengz hong minzczuz caeuq hong Gvangjsih, couqmaenh gij eiqsik Cunghvaz Minzczuz ranz vunz ndeu gyauyuz, cwngcwz hong cunghgyau, yisiz hingzdai ancienz, dangjgij lenzcwng gyauyuz daengj neiyungz, muzdiz dwg dazyinx yozyenz demgiengz "seiq aen roxyiuj", giendingh "seiq aen gagsaenq", guh daengz "song aen henhoh", cietsaed daezswng cwngci suyangj caeuq yezvu naengzlig.

Son' gyauq yungh gij fuengsik hwnjdangz ciendaez, yienhciegz sonhag, faen cuj yenzgiu daujlun dox giethab bae guh. Son' gyauq youq dangjyau hagsib lijrun caixvaih, lij cujciz yozyenz bae daengx guek minzczuz doxgiet baenaj mozfan cizdij — Hinghyez Yen Sanhsinh Cin Mbanjsizgvei guh yienhciegz sonhag, doenggvaq saeddieg yawjhag, baedauq gyauhliuz, hawj gyoengq yozyenz cigsoh gamjsouh gij saedguh sengdoengh cauhaeb minzczuz doxgiet baenaj, gyalaez lijgaj nyinhdoengz gij

leixniemh ranz vunz ndeu.

Gyoengq yozyenz foenfoen naeuz, doenggvaq baez son' gyauq neix, gyoengqde engq lijgaj gij eiqsik couqmaenh Cunghvaz Minzczuz ranz vunz ndeu, baezlaeng yaek laebdin gangjvei, sawj gij cwngzgoj hagsib cienjvaq baenz gij hengzdoengh saedsaeh doidoengh saehnieb minzczuz doxgiet baenaj, cizgiz coicaenh gak minzczuz sam gyau, caemh sij bien moq minzczuz doxgiet seizdaih moq Yilinz.

(Yangz Cinghyinz/杨清云)

Ningzmingz Yen Guh Cawjdaez Hozdung "Caetit" Ngoenzdangj

Vih angqhoh Cungguck Gungcanjdangj laebbaenz 104 hopbi, gyalaez dangjsingq siuhyangj caeuq gijliz yisiz, 6 nyied 26 hauh, Ningzmingz Yen Vazsan Siuhfangz Giuyenzcan lienzhab Caianh Yangh Yinzminz Cwngfuj, Ningzmingz Yen Benhging Gvanlij Dadui, daengz aen giekdeih gyauyuz gyaeguck cuji Caianh Yangh guh cawjdaez hozdung ngoenzdangj. Gyoengq dangjyenz yawj gij siengq lizsij dijbaui, dingq gij goj saekhoengz, gamjsouh gij gwzming cingsaenz gamj vut mingh, gamj fungyen gyoengq bouxlaux caeuq gij saenqniemh doiq Dangj cungcig fouzbeij gyoengqde. Geizgan, lij cizdij hagsib gij cingsaenz cunghyangh bet hangh gvidingh, laegdaeuq roxyiuj gij seizdaih yiui de, engq ndei cukmaenh diuz fuengzsieng swhsiengj seuqcengh gaghaed haenx.

(Cough Yizganh/周贻刚 Vangz Ginhlingz/黄金玲)



▲ Dangjyenz vih gyaiqbaiz denz hoengz.

Bingzloz: Fanh Moux Cazvan Fungsou

Gaenh ngoenz neix, Bingzloz Yen Dafaz Yauzczuz Yangh Mbanjfuzyauz gyoengq vunzmbanj cingq youq ndaw giekdeih ndaem cazvan mbaet caz moq, sou gij "canjyez van" gyoengqde. Gaenh geij bi daeuj, yangh neix doenggvaq laebhwnj aen vunqsik "giyez + hozcozse + giekdeih + nungzhoh", dajcauh le aen binjbaiz miz daegsaek "mbawvan", seizneix, daengx yangh ndaem caz 12000 moux, moix bi gai daih' iek 3000 dunh, moix bi canjciz 5000 fanh maenz, cietsaed coicaenh dangdieg yinzminz saedyienh demsou.

(Duz Gunh/涂昆)



▲ Vunzmbanj cingq mbaet caz.



▲ Yienhciegz yienjok cezmuuz 《Faenlungz Muenghfuk》. Veiz Lisoz ingi

2025 Nienz Vanzgyangh Ciet Faenlungz Haiguh

6 nyied 28 hauh, 2025 nienz Vanzgyangh Mauznanzczuz Swciyen ciet faenlungz youq Yananz Yangh Mauznanz Minzczuz Vwnzva Canjyezyenz haiguh. Yienhciegz, vunz lai vunz daih nauhyied dangqmaz, ciep haeux fuk, foux lungz, yienjheiq daengj hozdung aen gaen aen, hozdung hamzmiz gij maqmuengh an' onj, vuenyungz gyoengqvunz. Gaenh geij bi daeuj, Vanzgyangh guh ndei ciet faenlungz, bajok minzsug fungcingz, fatyiengz conzdungj vwnzva, doidoengh daengx yienh lijyouz, saedceij Vanzgyangh yinzminz ginzung yied gvaq yied hwng.

(Mungz Liengzdwz/蒙良德 Veiz Lisoz/韦丽硕)